

## 附錄二

### 果報資料選

#### (正法念處經)

彼見有人，不應行姪，不正觀察，樂邪欲行，生彼大量受苦惱處，地獄之中受大苦惱。

何者邪行？謂於婦女不應行處，口中行姪<sup>1</sup>，彼人以是惡業因緣，身壞命終，墮於惡處合大地獄，生割剝處，受大苦惱。

何者邪行？所謂有人取他兒子，強逼邪行，自既力多，令彼啼哭，彼人以是惡業因緣，身壞命終，墮於惡處合大地獄，生惡見處，受大苦惱。

何者邪行？所謂有人若見牝牛、若草馬等姪道處已，心生分別，此如是處，與人婦女不應有異，如是念已，即便生於人婦女想，而行姪欲<sup>2</sup>，彼人以是惡業因緣，身壞命終，墮於惡處合大地獄，生於團處，受大苦惱。

何者邪行？謂男行男<sup>3</sup>，彼人以是惡業因緣，身壞命終，墮於惡處，合大地獄多苦惱處，受大苦惱。

何者邪行？所謂有人破他軍國，得婦女已，若或自行、若自取已，給與他人，若依道行、若不依道<sup>4</sup>，彼人以是惡業因緣，身壞命終，墮於惡處，合大地獄生忍苦處，受大苦惱。

---

<sup>1</sup> 口交。

<sup>2</sup> 獸交。

<sup>3</sup> 同性(戀)性交。

<sup>4</sup> 戰爭時姦淫婦女。

何者邪行？所謂有人不善觀察，若羊、若驢以無人女，是故姪之，彼人於佛不生敬重，或在浮圖、或近浮圖，彼人以是惡業因緣，身壞命終，墮於惡處合大地獄，朱誅朱誅地獄處生，受大苦惱。

何者邪行？邊地夷人於姊妹等，不應行處而行姪欲，彼國法爾生處過惡<sup>5</sup>，彼人以是惡業因緣，身壞命終，生合地獄何何奚處，受大苦惱。

何者邪行？所謂有人起姪欲心，憶念自妻，姪他婦女，彼人以是惡業因緣，身壞命終，墮於惡處，合大地獄生無彼岸受苦惱處，受大苦惱。

又復若人以酒與他貞良婦女，令其醉已，心亂不正，不守梵行，然後共姪<sup>6</sup>，彼人以是惡業因緣，身壞命終，墮於惡處，叫喚地獄生殺殺處，受大苦惱。

何者妄語？所謂有人姪他婦女，於眾人前、若於王前妄語說言：「如是婦女我實不犯，令彼女家返得殃罰」，彼人以是惡業因緣，身壞命終，墮於惡處，在彼地獄一切闇處，受大苦惱。

復有邪姪，或因酒醉、或復欲盛姪姊、姪妹<sup>7</sup>，彼人以是惡業因緣，身壞命終，墮於惡處，在彼地獄髮愧烏處，受大苦惱。

復有善人從他人邊讀誦經論，或復從其聞有經論，彼人多欲姪其妻妾，必佩等婦而實買良，誘誑行姪，常向人說彼是我母，以必師婦母相似故，癡心違信，如是行欲，彼人以是惡業因緣，身壞命終，墮於惡處，在彼地獄生大悲處，受大苦惱。

又復有人姪自子妻<sup>8</sup>，彼人以是惡業因緣，身壞命終，墮於惡處，在彼地獄無非

---

<sup>5</sup> 亂倫。

<sup>6</sup> 灌醉婦女，再行淫。

<sup>7</sup> 亂倫。

<sup>8</sup> 公公淫媳婦。

闇處，受大苦惱。

又復有人他救其命，有於病等臨欲命盡，為他所救，或彼殺者為他所救，彼則有恩而不識恩，反姪其妻，彼人以是惡業因緣，身壞命終，墮於惡處，在彼地獄生木轉處，受大苦惱。